



Tuäiv čuõvv seu'ņjõõzzâst

Mõõnni kiidđ lij leämmaš mij histor peclummuz äi'ğğ. Ruõššjännam altteem veeidas väinn Ukrainast 24. tä'lvvmannust lij sie'jjtam maai'lmrääuh. Mõõnniäggsa kiävvmõõžž liä vuäžžam lää'ddoummid da čeälai Euroop kõõččad kõõččmõõžžid staanâst.

Väinntääim Euroopâst rä'jje pää laid tän šiattsõ'žze ee'jpo'dde. Luâđ oddđ kâččjem da šõddâm poddân kiiččeepp oodâskaartin hiävtummuz viõggid: pu'skk-kõõskõõzzi hiävtõõzzin gâardin da panssarvaaunin määđđain kâ'rnpealdain. Kuuitâg kiidđ pei'vvšuõn čue'vve ju'n tõin še kaartin.

Tät kuei't ärra juäkkõõttmõš lij årstätt'teejes da seämma ääi'j tõ'st lij mii-ne kriistlõ'žze toobdâs. Jie'llep Vuâsp pää'd maai'limest, kää'tt mušttat mi'jjid Vuâsp pää'd pue'rrvuõđâst da jie'llemjeäl õõmsõõzzâst. Seämma ääi'j tobdâp maai'lm da jii'jjen krävvnõõzz väj jagvuõttam. Leä'p tän maai'limest pää'rti äärmast, da õhtt šuurmõõzzin pää'rtin lij oummu odd jioččkõskksažvuõ'tte, keähnummus seu'rjõõzzin vää'ltekâni. Väin liä mätt'tam mi'jjid še oummu raaimõõzzâst ruäššädvuõđâst kuei'meen puõtt. Nuu'bbeld mee'st lij historlaž tuõđštõs määngai oummi õõmsõõzzâst jioččkõskksažvuõđâst peäddai kõõskâst.

Tän ee'jj ee'jpei'vvevanğe'lium lij Luukas (Lu'kk) evanğe'liumâst. Isõõzz čuävavam neezzan le'jje mõõnmen ee'deld Isõõzz ääü'd ärra, ęu sij vuämmše, što äü'dd keä'dğğ leäi joortum meädda. Sij käu'nne kuâras ääü'd. Veä'lštemvuõtt va'lddii si'jjid. Kroota sij oudâst čuõžžu kue'htt äummai, Vuâsp pää'd a'ņğğel. Täi saakk lij: "Mõõzz oocve'ted jie'lli jaa'mmji jooukâst? Ij son leäkku tääi'ben, son lij kaggõõttâm pââjas jää'mm'mest. (Luukas 24: 5-6). Neezni mue'kkuum maai'lme šâdd keu'kkleen tuäivv.

Õhtt vaikktee'es, čea'pplaž či'lğğtõs täi neezni vuõnntee'min tobdlmin ouddâl ee'jpei'vvtue'lää lij Jaakko Löytty laaul "Nuu'bb peei'v jeä'kkää".

Kei'mmeld seu'ņjes pälggsi jâ'tted vuäžžam, / jiom-ka mätkkam meä'r jiočč teäđ. / Muu õõtksi vää'ld keä'sse peä'lse / muu mõõnen tätta viikkâd.

Kuuitâg laaul mõšttat moččänji pe'cclõõžžâst da seu'ņjõõzzâst jie'lli pââjaskaggõõttmõõžž tuõttvuõđâst:

Kii lâ'dde'čes pe'cclõs miõll? / Lâ'dde'čes säärneen. / Mõõzz oozzak tõn jie'llem to'ben, / jooukâst jaa'mmji.

Äü'dd ij leäkku jie'llem loopplaž mie'rrkie'čč. Jäämm'mõš ij cie'lkk mâäimõs sää'n. Pââjaskaggõõttâm Kristõs sie'brkâ'dd lij kâččum jie'lled tuõđlõ'žžen Kristõs vuei'ttem jää'mmem vää'ldest. Tät saakk sme'llkâkaz mi'jjid tuäivvu da kriistlõ'žze rää'kkesuõ'tte še tän kiidđ 2022 kiävvmõõžžii vee'rdest.

Ee'jjpei'v vue'linn 2022

Jukka Kesitalo
Oulun hiippakunnan piispa (Oulu aa'rhelkää'dd piispp)